



UNIVERSITÄTS-
BIBLIOTHEK
PADERBORN

**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Articulus IX.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

50 INSTRUCTIO AD

Articulus IX.

Præter exemplum passionis Dominicæ, possunt etiam damnato proponi exempla multorum suppliciorum, quæ Martyres sustinuerunt: poterit & Consolator incipere à Sancto, cuius moriturus nomen refert, aut à Patrono eius patriæ. Quod si tales non occurrant, potest sequentes Sanctos proponere, iisque miscere nonnulla exempla Magnatum nostri, & præcedentium seculorum: qui sine sua culpa, aut saltem exiguam ob culpam crudeliter sunt interempti. Talia exempla plus mouent, præsertim si sint hominum captiuo familiarium, aut quos ille nouit.

Exempla Sanctorum Martyrum.

S. Ioannes Baptista, sanctificatus in utero matris suæ, ad Christum commendatus, vitæ fuit sanctissimæ; & tamen, dum vixit, perpetuam fecit pœnitentiã. Deinde absque vlla sua culpa fuit iniustissimè in obscurum carcerem coniectus, & tandem crudeliter capite truncatus.

D. Petrus Apostolorum Princeps, in tanto honore habitus est à Domino,

no,

IVVANDOS MORIENTES. 31

no, vt eum fecerit suum in terris Vicarium, & caput Ecclesiæ: fuit tamen captus, duris catenis ligatus, & tandem capite deorsum crucifixus.

S. Bartholomæus dum viueret varijs modis est afflictus, & tandem viuus excoriatus, nec non capite plexus.

B. Thomas Apostolus nudis pedibus super candentes ferri laminas ire iussus est: Deinde missus in ardentem fornacem, & postremò lancea confossus.

S. Stephanus Protomartyre lapidatus, & Deum pro lapidantibus deprecabatur.

S. Zenon cùm excoriatus esset, vinctus est pice, & in ardentem rogam iniectus.

S. Antipas in bouem æneum, igne subiecto, missus est.

S. Vlpianus in culeum vnà cum aspide, & cane confusus est.

S. Marcellus sub Antonino Imperatore viuus collotenus defossus est, atque ita triduò in terra sepultus sternerit, laudans Dominum Deum, eique gratias agens; cui tandem spiritum reddidit.

INSTRVCTIO AD

S. Themistocles in Licia, sub Imperatore Decio inuentus, sponte se obtulit spiculatoribus; loco S. Dioscori, quem illi quærebant, vt interficerent. Fuit itaque in eculeo extensus, & caudæ equi alligatus, laniatus tandem, & capite plexus est.

S. Bonifacius, qui vixit in Tharsis, pro nomine Christi, mandante Sulpitio, occisus est. Primò vncinis ferreis dilaniatus fuit, donec detractis carnibus ossa nuda conspicerentur: inde arundinibus inter vngues & carnem immixtis, manus dissectæ sunt: post in sartiginem plumbo liquefacto bullientem proiectus; vnde extractus, capite deorsum, in vas pice plenum feruentissimo dimittitur; & tandem capite truncatur.

S. Eleutherius ex mandato Adriani in lectum ferreum, & in craticulã extendebatur: inde in Fornacem mittitur; ad caudam equi alligatus, per dumos & vepres raptatur, leonibus deuorandus obicitur, tandem cum mori non posset, decollatus est.

S. Dorotheus & Gorgonius martyrij corona in Nicomedia insigniti sunt, sub Diocletiano, qui fecit eos
flagel-

IVVANDOS MORIENTES. 59

flagellari, plumbatis cædi, vngulis ferreis carnes eorum abradi, eorum vulnera sale fricari, & aceto perfundi; vt tormenta tanto essent intolerabiliora: deinde in craticula ferrea iussit eos torreri, & tandem suspendi.

Sanctus Flocellus puerulus decem annorum, mortem oppetijt sub Antonino Imperatore; cuius mandato primò suspensus est, & flagellatus: inde in caueam vnà cum leone famelico missus; in ignem post proiectus, clauibus confixus, & tandem feris obiectus, ab illis suffocatus, & mortuus est.

S. Cyprianus Episcopus Carthagenensis, tempore Valeriani & Galieni Imperatorum, martyrij palmam adeptus est. Quum educeretur extremo afficiendus supplicio, Deo gratias egit, & non timuit mortem: sed & suis mandauit, carnifici vt viginti quinque aureos pro mercede darent, quasi beneficium sibi præstaturus esset; deinde collum extendit, & martyrij coronam accepit.

S. Ignatius Episcopus Antiochenus damnatus erat ad Leones; & in via scripsit epistolam ad Christi fideles,

C 5 qui

54 INSTRVCTIO AD

In epist. ad
Rom.

Ingens ar-
dor marty-
rii

qui erant Romæ; in qua inter cætera sic ait; Rogo vos, finite me vt bestiarum esca sim: Vtinã fruar bestijs, quæ pro me paratæ sunt, quas & opto mihi veloces esse ad meum interitum, & allici, vt celerius me comedant, ne sicut in alijs terris sint, & non eos tetigerunt. Et si ipse noluerint, ego ipse vim ingeram, ego vrgebo. Ignis, crux, bestiarumque constantia, abscissio, separatio, confractio, dissipatioque membrorum, interitus totius corporis, & flagella Diaboli omnia in me veniant: vt Iesum Christum merear adipisci. Cumque leonibus obiceretur, dixit; Triticum Dei sum, dentibus bestiarum molar, vt possim panis Dei mundus inueniri. Hoc dicens suffocatus est à leonibus, & in Christo obdormiuit.

*Exempla Sanctarum, quæ constanter
pro martyrii palma de-
certarunt.*

S. Euphemia virgo ad rotas damnata est, inde in ignem proiecta, fame diu cruciata, feris lanianda data, à quarum vna tandem iugulatur.

S. Theodosia virgo in Cæsarea Palæstina pro nomine Christi martyrium passa est, eò quòd Christiana esset.

IVVANDOS MORIENTES. 55

set. Quare Gubernator eam ex capillis suspendi nudam iussit. Deinde catenis ferreis durissimè ligatam in obscurissimum carcerem detrusit, vnde cùm extracta esset, saxum immensum ad collum eius iussit alligari, eamque in mare proijci: sed cùm ad littus incolumis enataisset, bestiis obijcitur, vt ab illis deuoraretur: à quarum violentia, cùm etiam ope Dei immunis esset, tandem gladio feritur.

S. Felicitas cum septem filijs, sub Antonino Imperatore passa est: quæ & se, & septem suos filios arbitrio Tyranni obtulit. Cùmq; vidisset primogenitum suum plumbeis fustibus occidi; alterius caput gladio amputari, & alios alijs modis tolli; eos omnes ad constantiam hortabatur. Postremò cùm aliquamdiu obscuro carcere teneretur inclusa, pugnis cõtunditur, & tandem decollatur.

S. Maxima & Donatilla sorores in Africa pro Christi nomine mortuæ sunt. Prior fel cum aceto mixtum bibit; inde ambæ tam crudeliter flagellatæ sunt, vt caro penitus fuerit concisa, vtq; vulnerum dolor maior esset, ea tyrannus calce viuua inungi iussit.

tera
me
para
se ad
is me
ego
trux,
para-
rum,
abo-
stum
obij
tibus
mun-
is est
rmi-
er
am-
ame
qua-
a Pa
tyri-
a ef-
set.

56 INSTRVCTIO AD

lit; craticulæ postea ferreæ superinie-
ctæ, igni assatæ, feris obiectæ, cū mo-
ri non possent, decapitatæ sunt.

S. Margarita capite truncata est.

S. Agatha colaphis cæsa, candenti-
bus laminis in equuleo torta est; tan-
dem mammillis abscissis in carcerem
detruditur, vnde rursus euocata, in
acutis testulis, & candentibus carbo-
nibus ei subiectis, volutatur.

S. Christina cū statuas quasdam
argenteas, quas pater eius Tyri Guber-
nator in honore habebat, fregisset,
pauperibusque dedisset, vncinis fer-
reis patris iussu laniata est: inde virgis
cæsa, cū cōstantia, & proposito suo
non resiliret; sed partem carnis suæ à
corpore auulsam, in os patris inieci-
set, dicens; Satiare miser carne, quam
ipse genuisti: filiam quidem vorare
potes; vt autem ego tuæ assentiā im-
pietati, facere non potes. Ad rotas igi-
tur damnata est: Deinde in lacum, sa-
xo ad collum ligato, proiecta; vnde
Deus eam liberavit. Moritur interea
Pater, & successor eius eam in echinū
pice & oleo bullientē præcipitari iuf-
sit. Cumque nec sic mori poterat, tan-
dem Julianus Præses eam in ardentē
forna-

IVVANDOS MORIENTES. 57

fornacem mitti præcepit, in qua diebus quinque illæsa mansit: serpentibus deinde obijcitur, à quibus etiam cum parceretur, tandem vbera eius præscinduntur, & lingua amputatur: postremò sagittis confossa cœlum sibi comparavit.

Poterit deinde Consolator afflicto commemorare, quanta cum constantia & magnanimitate fideles tormenta sustinuerunt: quomodo mundum hunc oderunt: sciebāt enim qualis esset alterius seculi felicitas, & lacrymabantur, quoties se ab ea longius abesse recordabantur. Quare ut viciniore fierent, certatim ad martyria, mortemque festinabant. Tyranni iubendo, & carnifices torquendo fatigabantur magis, quàm magnanimi Christi milites flammis, bestias, rotas, aculeos, gladios, pectines ferreos, saxa, plumbum liquefactum, picem, oleumque feruens, & faces ferendo. Super carbones viuos, acutissimaque nouacula voluebantur: in profundissimos puteos, in rapidissima flumina, in immundissimas cloacas detrudebantur: ad metalla damnati sunt: fatiscētibus nauibus sine remis, sine cla-

Magna martyrum constantis.

8 INSTRUCTIO AD

uo in mare missi sunt: oleo bullienti immerfi, laminis & thoracib⁹ ferreis, ijsq; candētib⁹ induiti, clavis confosfi, mēbratim discerpti sunt. quidā cōtractis arborū ramis, ijsq; postea relaxatis alligati, in diuersas partes rapti sunt, & disrupti. Quot viui sepulti sunt? quot ex rupib⁹ precipitati? quot caudis equorū alligati, per loca aspera nudi sunt rapti? quod capite deorsum suspensi, & fumo sunt extincti? quot lento igne cremati? quot oculis exectis excoecati? quot nas⁹, aures, linguæ, manus, aliaq; membra amputata? quot forpicibus māmæ abscissæ? quot dentes excussi? Longum esset singula tormentorū genera recensere, aut omnium Martyrum mentionem facere. *Articulus X.*

Postquam iam condemnatus intellexit, quanta Dominus noster pro illo passus est supplicia; & quāta Sancti omnes sustinuerunt, omnem adhibeat Consolator diligentiam, vt persuadeat illi, pro gratitudine saltē, vt volūtariē moriatur, amore illius Domini. Etenim si vt gratos nos exhibeamus homini, qui vitam suam pro nobis posuit, etiam nostram pro illo ponere-